

Inatsisartut 2008-mi ilassutitut aningaasaliissutininut inatsisissaattut siunnersuut
(Aningaasanut Naalakkersuisoq)

Saqqummiussissut
Siullermeerneqarnera

Matumuuna Naalakkersuisut sinnerlugit Inatsisartut 2008-mi ilassutitut aningaasaliissutininut inatsisissaattut siunnersuut saqqummiuppara. Missingersuusiortarneq pillugu inatsimmi § 26-mi aalajangersakkani allassimavoq ukiup aningaasaliiviusup ingerlanerani aningaasaliissutit oqaasertaliussallu nutaat allanngortitalluunniit ilassutitut aningaasaliissutininut inatsimmut ukiumi tulliuttumi saqqummiunneqartussami ilanngunneqartassasut.

Taamaalilluni Inatsisartut 2008-mi ilassutitut aningaasaliissutininut inatsisissaattut siunnersuut aningaasaleeqqinnermut inatsisitut isigineqartariaqarpoq. Ilassutitut aningaasaliissutininut inatsisikkut Naalakkersuisut aningaasanut inatsimmut oqaasertaliussani piginnaatitsissutit, Inatsisartut Aningaasaqarnermut Ataatsimiititaliaata Inatsisartullu ukiumi aningaasaliiviusumi 2008-mi aalajangeriigaat, tunngavigalugit aalajangiisimaneriniq pissusissaatut inissiisoqarpoq.

Inatsisartut 2008-mi ilassutitut aningaasaliissutininut inatsisissaattut siunnersuutip imarai ilanngussaq 1 aningaasaliissutit allannguutaannik 2008-mi akuersissutigineqartunik takutitsisoq aamma ilanngussaq 2 taamatutaaq 2008-mi oqaasertaliussat allannguutaannik akuersissutigineqartunik takutitsisoq.

2008-mut Aningaasanut Inatsit aamma Inatsisartut 2008-mi ilassutitut aningaasaliissutininut inatsisissaattut siunnersuut ukiumi aningaasaliiviusumi 2008-mi aningaasaliissutininut tamarmiusunut takussutissaapput. Taamaalillutik Nunap Karsiata 2008-mi naatsorsuutaanut Inatsisartut ataatsimiinnermi matumani kingusinnerusukkut suliarisassaannut aallaaviupput.

Inatsisartut 2008-mut aningaasanut inatsisaat missingersuutini IST-mi 300,2 mio. koruuninik amigartooruteqarnissamik takutitsivoq. Inatsisartut Aningaasaqarnermut Ataatsimiititaliaata 2008-p ingerlanerani ilassutitut aningaasaliissutissat missingersuutini IST-mi amigartoorutissanik 89,5 mio. koruuninik amerlisitsisut akuersissutigisarpai. Taamaalilluni Inatsisartut 2008-mi ilassutitut aningaasaliissutininut inatsisissaattut siunnersuutip kingunerissavaa ukiumi aningaasaliiviusumi 2008-mi missingersuutini IST-mi 389,7 mio. koruunit amigartooruteqartoqarnera.

Taamatut oqaaseqarlunga Naalakkersuisut Inatsisartut 2008-mut ilassutitut aningaasaliissutininut natsisissatut siunnersuutaat Inatsisartunut suliaannngortippara.